



Gudarien etorbidea, z/g 20140 Andoain



zuzendariari@egunkaria.com



943 300 228

OHARRA: Ahalik eta iritzi gehienek izan dezaten tokia, ez da komeni makinazko 15 le-
rro baino luzeago idaztea gutun hauetan. Idatzi duenaren izena, telefonoa, helbidea
eta NAREN zenbakia agertu beharko dira. Laburtu behar izanez gero, zuzendaritzak
bere esku du horretarako eskubidea. Erdaraz iristen diren gutunak ez dira argitaratuko.



zuzendariari

Boluntario kulturalak

Azkenaldian maiz entzuten ari garen figura berri bat sortu da. Estatu Batuetatik omen datorkigu eta, beste hainbat arlotan lez, gurean ere ezinbestez hedatzen ari da. Arestian jakin dugunez, Bizkaiko 7 museotan hasi behar omen dute hirugarren adineko boluntarioak formatu eta gida lanetan ezartzen. Ondoren Euskal Herriko beste lurraldeetara hedatzeko asmoa ere erakutsi dute. Gainera, ez omen dute horretan geratzeko asmorik. Zurrumurruak badaude boluntario hauek liburutegietan eta bestelako azpiegitura kulturaletan lanean jartzeko asmoa dutena. Jendea prest omen dago eta, hala, aipatu azpiegiturretan zerbitzua hobetzeaz gain, hirugarren adinekoek beren burua gizartearen eskaerei erantzuteko gai ikusiko omen dute.

Baina, zergatik kultural? Errepidegintzan lan egiteko, ziur naiz, jubilatutako ugari prest egongo litzatekeela. Gainera, askoz ere diru gehiago aurreztuko genuke, besteak beste, kultur azpiegiturretan gastatu ahal izateko.

Egun kultura arloan lan egiteko asmoz ikasketak egiten ari direnek badute zertaz kezkatu. Orain arte sortzen ziren lanpostuak eskasak baziren, hemendik aurrera... Azken finean, boluntarioak lanean jartzeko asmoak erakusten duena kulturala bada, baina behar diren lanpostuak sortzeko borondaterik ez.

Kultura munduko langileen erantzunik ez dut oraingoz aurkitu, agian asko eta asko prekarietatean murgilduta gaudelako. Dena den, gogorrago deritzot sindikatuen isiltasunari, are gehiago

indarrean daudena erakutsi berri duten honetan. Argi baitago *boluntario kulturalen* figura ez dela lanpostu berriak sortzeko asmatu. **Mikel Alberdi Sagardia** • HONDARRIBIA (GIPUZKOA)

Ordenantzak bete gabe

Iruñeko Euskal Herrian Euskaraz taldeak Udalaren jokaera agerian jarri nahi du, Euskararen Ordenantzari bizkarra emanda bizi delako, hein garrantzitsu batean.

Euskararen Ordenantzaren 7. Artikuluak zera dio: «Ahoz, Udalarri euskaraz egitea hautatzen duten hiritarrei halaberean egingen zaie harrera. Horretarako, Udalak jarduketa plan bat diseinatu eta burutuko du, udal langile euskaldunak izatea bermatzeko». Hizkuntz perfilak zehazteko urtebeteko epea zuen, baina, urte bat eta 8 hilabete igaro eta gero, zinegotzien eztabaidetara ere ez da iritsi.

Bitartean, 21 deialditan ez du euskaraz jakitea kontuan hartu, ezta meritu moduan ere.

Ordenantza bete ahal izateko, 196 langilek euskara eskolak lan ordutegi barruan sartzeari eskatu zuen. Ezetza izan zen erantzuna. **Mikel Auza Makutso** • Iruñeko EHE taldearen izenean

Kritikak Intxaurragari

Gutiz harrituta nago azken egunotan PP eta PSE alderdiko buruzagiek Sabin Intxaurragari egin dizkioten kritikak direla eta, joan den uztailaren 9an Donostiako Miren Bihotza elizan gose greba egiten ari ziren 30 euskal gazte bisitatzaera joan zelako oinarri

gabeko kritika zorrotzak jasan behar izan dituelarik.

Gose greba egin genuen gazteon eskakizuna herri honek hainbat aldiz eskatu duen eskakizun berbera egiteko zen, hau da, Euskal Herriko preso guztien sakabana-ketarekin bukatu dezala Espainiar gobernuak eta berehala Euskal Herriko kartzoletara hurbildu ditzala, preso guztiek dituzten giza eskubideak bermatuz. Gose greba honetan Euskal Herriko hainbat gazte erakundek parte hartu genuen: Gazte Abertzaleak, LAB Gazteak, ELA Gazteak, Hautsi, EGHAM, Ikasle Abertzaleak, Jarrai eta Euskal Herriko hainbat herriak. Gazte Asanbladak ere parte hartu zuten. Hori gutxi balitz bezala, ehun bat gazte erakunderekin atxikimendua jaso genuen, gure eskakizunarekin bat eginez, batzuk aipatzekotan EGI, IU Gazteak eta Euskadiko Gazteriaren Kontseilua, 50 bat gazte erakundez osatua.

Sabin Intxaurragak bisita horretatik jaso dituen kritikak ez dira bidezkoak, Eusko Alkartasuna alderdiko buruzagia izanik bisita horrekin Euskal gizartearen gehiengo zabal batek hainbat aldiz Euskal presoak Euskal Herrira hurbil ditzaten eskatutakoa bete izan dadila berrestea zen bere helburua, gogora dezagun eskakizun hau Gasteizko Legebiltzarrean gehiengo zabal batek onartua izan zela, nahiz eta PP eta PSOERI min eman eta euskal hautetsiek askatasun osoz gizartearen gehiengoaren borondateari jarraituz betetzeko inolako asmorik ez duten ordutik gaur egun arte beraien ekintzetan argi eta garbi erakutsi duten moduan. **Nikolas Iriarte** • Gazte Abertzaleak taldeko kidea

galdeiozu...



Mikel Aizpuru

UEUKO ZUZENDARIA

Zertan aldatu da UEU azken hogei urteotan?

Maite Jimenez [Bilbo]

■ **EUSKAL GIZARTEA** aldatu den neurri berean aldatu da UEU. Ikastoletara biltzen den jende kopurua ia bikoiztu egin da, baina haien konzientzia maila beste era batekoa da. Dena den, autoeraketarako gaitasunak UEUren ezaugarri eta aberastasun nagusietako bat izaten jarraitzen du. Hasiera batean, gure lana udako ikastaroetara mugatzen zen, gero liburugintza garatu zen, eta azken urteetan topaketa eta bestelako ikastarotak bultzatu ditugu, gure jarduerak urte osoa zabalduz. UEU sortu zenean, garaiko unibertsitate apurretan euskarak ez zuen inolako tokirik, UEU zen esparru horretan erreferentzia bakarra. Zorionez, egun euskarak gero eta garrantzi handiagoa dauka unibertsitatean.

Uztailaren 20tik aurrera

Josu Jon Imaz • EUSKO

JAURLARITZAKO INDUSTRIA,

TURISMO ETA KONTSUMO

SAILBURUA

izango da Galdeiozu ataleko gonbidatua. Bidali zure galderak ordurako.

• MONTXO •

